

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-201/25
Vareš, 25.07. 2025. godine

Z A P I S N I K
*sa 8. sjednice Općinskog vijeća Vareš,
održane 30.06. 2025. godine*

Predsjedavajući OV pozdravio je sve prisutne.

Prisutni vijećnici: Amela Mešić, Asim Balta, Asmir Čizmo, Dario Dodik, Denis Kovačević, Dževad Mahmutović, Edin Ibrišimović, Igor Hinger, Igor Šimić, Irma Rožajac, Malik Rizvanović, Nazif Hajrić, Nermin Hrvat, Nikola Šimić, Semir Memić, Srđan Franjić, Zdenko Franjić i Zdravko Barkić.

Odsutni: Šaban Ibrišimović.

Malik Rizvanović, predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 8. sjednicu s početkom u 14.00 sati u velikoj sali Općine Vareš.

Pored vijećnika sjednici prisustvuju: Mersad Đido, sekretar OV; pomoćnica čelnika Ermin Musa i Ibrahim Spahić; Rusmir Berberović, rukovodilac JURA; Velida Džafo, ispred Službe za prostorno uređenje; Malik Likić, ispred Službe za opću upravu, društvene djelatnosti i BiZ; Nihada Gondžo, direktorica JU „Centar za socijalni rad“ Vareš; Jasmina Šijak, direktorica JU „Opća biblioteka“ Vareš; Nikolina Erlbek, direktorica JPU „Dječije obdanište“ Vareš; Šejla Kapetanović, direktorica JU „Centar za kulturu i edukaciju“ Vareš, Kenan Zahirović, predstavnik JP „ŠPD ZDK“ d.o.o. Zavidovići i predstavnici medija.

Mersad Đido, sekretar OV izvijestio je prisutne da je na 7. sjednici OV održanoj 29.05.2025. godine, Vijeće donijelo četiri (4) zaključka, tri (3) zaključka su u toku realizacije a jedan (1) zaključak je realizovan. Postavljena su dva (2) dopunska pitanja na koja je dat odgovor. Postavljeno je jedanaest (11) vijećničkih pitanja, na deset (10) pitanja dat je odgovor pisanim putem, na jedno pitanje nije dat odgovor.

(Izjašnjavanje vijećnika o dobivenom odgovoru)

1. Vijećnik Dario Dodik izrazio je nezadovoljstvo jer nije dobio odgovor na postavljeno pitanje na 7. sjednici OV koje se odnosilo na dugovanja prema dobavljačima.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

Vijećnik Zdravko Barkić predložio je da se današnja sjednica odgodi jer Općinski načelnik nije prisutan na istoj i već četiri sjednice ne prisustvuje, a nije nikoga ovlastio da ga mijenja na sjednicama Vijeća.

Vijećnik Dario Dodik podržao je mišljenje vijećnika Zdravka Barkić i predložio da se Vijeće izjasni o prijedlogu da se današnja sjednica odgodi za naredni period.

Predsjedavajući OV stavio je na izjašnjavanje prijedlog **da se 8. sjednica OV odgodi za naredni period, te da se zakaže kad bude mogao biti prisutan Općinski načelnik ili netko koga ovlasti da ga mijenja.**

Nakon izjašnjavanja vijećnika predsjedavajući OV konstatuje da **sa 3 glasa „ZA“, 9 glasova „PROTIV“ i 6 „SUZDRŽANIH“ glasova prijedlog nije usvojen.**

(Vijećnička pitanja i Inicijative)

Zdravko Barkić

1. Traži da se obavežu općinske službe da Vijeću za narednu sjednicu obavezno dostave pregled svih dugovanja Općine Vareš sa datumima nastanka istih, zaključno sa 31.03. 2025. godine.

Nazif Hajrić

2. Pitanje upućeno firmi AME d.o.o. Breza, koja radi na održavanju puta prema MZ Pogar. Kada će ukloniti nasipni materijal prema MZ Pogar?

Denis Kovačević

3. Pitanje se odnosi na dio puta prema MZ Ligatići. U kojoj fazi je projekat rekonstrukcije lokalnog puta? U kojoj fazi je projekat i kada da očekujemo radove u MZ Ligatići i Mižnovići?

Nermin Hrvat

4. Šta se može uraditi po pitanju sanacije puta ul. Planinarska, dio dionice od Duge pa do zadnjih kuća, koji je u veoma katastrofalnom stanju?
5. Stanovnici Vareš Majdana i Vareša su veoma ugroženi kada je u pitanju prevoz putnika autobuskom linijom. Da li postoji mogućnost da prevoznik Ljaljić Turs odredi termine odlaska i dolaska na ovoj relaciji?

Edin Ibrišimović

6. Pitanje je vezano za firmu AME d.o.o. Breza u vezi održavanja regionalne ceste R-444a koja vodi do Kraljeve Sutjeske. Traži da nadležna Služba odgovori, ko kontroliše tu firmu? Kome stanovništvo da se obrati kada su nezadovoljni? Isto to se odnosi i na put koji vodi kroz Borovicu, Šumarstvo izvodi radove po cesti. Rudnički kamioni prolaze i uništavaju i ono puta što imamo. Kome mještani da se obrate? Ako postoji nadzor nad istim, neka nam objasni i odgovori.

Dario Dodik

7. Pitanje je vezano za izradu Urbanističkog plana. Da li je općinska služba odnosno Načelnik razmišljao o tome da angažira stručnjaka koji već ima iskustvo na tom polju?

Inicijative:

Igor Hinger

1. Sanacija plafona tunela. U zadnjim danima je primijećeno odranjanje kamenja sa plafona što ugrožava siguran promet. Da se izađe na teren i da se sanira nestabilni materijal kako bi promet bio siguran.
Tražim od Policijske uprave da nam dostave informaciju koje su to kritične tačke na dionici puta od Vareša do Breze gdje je u proteklim godinama bilo najviše prometnih udesa.
Da se uradi neka signalizacija na mjestu ispod tzv. Partizana u Vareš Majdanu, kako bi se smanjile mogućnosti prometnih nezgoda.
(Inicijativa podnesena usmenim putem i upućena Direkciji za ceste, Ministarstvu za prostorno uređenje, promet i komunikacije i zaštitu okoline ZDK i firmi AME d.o.o. Breza).

Nermin Hrvat

2. Inicijativa za čišćenje cijevi u Ćamilovom potoku kao i ugradnja cijevi u otvoreni dio potoka, otprilike 30-ak metara i da se isto poploča sa betonskim pločama. Dio od 30-ak metara je otvoren i u ljetnom periodu, kada su temperature visoke, dolazi do širenja veoma neugodnog mirisa. (Inicijativa podnesena usmenim putem).

Dario Dodik

3. Da se angažira stručna osoba koja je već radila na izradi Urbanističkog plana, a sve u svrhu izrade kvalitetnog Urbanističkog plana. (Inicijativa podnesena usmenim putem).

Semir Memić

4. U ul. Nikovac sa desne strane se nalazi objekat koji je u ruševnom stanju, krov oronuo i naget na cestu kojom se kreću građani i vozila, neko će nastradati. Ako je privatno vlasništvo da se obavijesti vlasnik da isti sanira. (Inicijativa podnesena usmenim putem)

Predsjedavajući OV podsjetio je prisutne na Inicijativu o uspostavljanju prijateljskih odnosa Općine Vareš i Općine Saray iz Republike Turske, koju je podnio pisanim putem vijećnik Šaban Ibrišimović na 3. sjednici OV održanoj 29.01. 2025. godine. Općinski načelnik se svojim aktom broj: 02-834/25 od 12.06.2025. godine pozitivno izjasnio o Inicijativi.

U skladu sa Poslovnikom o radu OV predsjedavajući OV stavio je na izjašnjavanje **Inicijativu o uspostavljanju prijateljskih odnosa Općine Vareš i Općine Saray Republika Turska.**

Nakon izjašnjavanja vijećnika predsjedavajući OV konstatuje da je **sa 16 glasova „ZA“ i 2 „SUZDRŽANA“ glasa usvojena Inicijativa.**

U skladu sa Poslovníkom o radu OV predsjedavajući OV stavio je na izjašnjavanje **Inicijativu da se krene u izradu Programa smanjenja broja zaposlenih u organu uprave, na taj način da se prilagodi potrebama građana i firmi koje ovdje posluju,** koju je usmenim putem podnio vijećnik Dario Dodik na 7. sjednici OV održanoj 29.05.2025. godine.

Nakon izjašnjavanja vijećnika predsjedavajući OV konstatuje da **sa 7 glasova „ZA“, 8 glasova „PROTIV“ i 3 „SUZDRŽANA“ glasa nije usvojena Inicijativa.**

Predsjedavajući OV stavio je na raspravu Zapisnik sa 7. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 7. sjednice OV i nakon izjašnjavanja vijećnika konstatuje da je **sa 18 glasova „ZA“ usvojen Zapisnik sa 7. sjednice OV.**

Predsjedavajući OV stavio je na raspravu prijedlog dnevnog reda 8. sjednice OV koji je usaglašen na Kolegiju Općinskog vijeća.

Predsjedavajući OV je uz pojašnjenje predložio da tačka 7. Izvještaj o radu JU „Centar za kulturu i edukaciju“ Vareš, bude tačka 4., te da se ostale tačke pomjere za jedno mjesto.

Nije više bilo učesnika i predsjedavajući OV stavio je na izjašnjavanje prijedlog dnevnog reda **8. sjednice OV sa predloženom izmjenom** i nakon izjašnjavanja vijećnika konstatuje da je **sa 18 glasova „ZA“ usvojen sljedeći**

Dnevni red

1. Prijedlog Odluke o bratimljenju općina Saray i Vareš.
Izvjestilac: Malik Likić.
2. Prijedlog Odluke o dopuni Odluke o potvrđivanju rezultata izbora za članove Savjeta mjesne zajednice Duboštica.
Izvjestilac: Malik Likić.
3. Prijedlog Zaključka o davanju saglasnosti na lokaciju „Kota“ u svrhu izgradnje stočnog groblja.
Izvjestilac: Velida Džafo.
4. Izvještaj o radu JU „Centar za kulturu i edukaciju“ Vareš za 2024. godinu.
Izvjestilac: Direktorica JU.
5. Izvještaj o radu JU „Centar za socijalni rad“ Vareš za 2024. godinu.
Izvjestilac: Direktorica JU.
6. Izvještaj o radu i poslovanju JPU „Dječije obdanište“ Vareš za 2024. godinu.
Izvjestilac: Direktorica JPU.
7. Izvještaj o radu JU „Opća biblioteka“ Vareš za 2024. godinu.
Izvjestilac: Direktorica JU.

8. Izvještaj o stanju zaštite od požara na području općine Vareš sa akcentom na realizaciju Plana zaštite od požara.
Izvjestilac: Ibrahim Spahić.
9. Informacija o provođenju lokalnog ekološkog akcionog/akcijskog plana za općinu Vareš u 2024. godini.
Izvjestilac: Ermin Musa
10. Informacija o realizaciji Ugovora o koncesijama za 2024. godinu.
Izvjestilac: Ermin Musa
11. Informacija JP „ŠPD ZDK“ d.o.o. Zavidovići o zdravstvenom stanju šuma, intenzitetu pošumljavanja, eksploataciji šuma, infrastrukturi, vodozaštitnim zonama na području općine Vareš.
Izvjestilac: Direktor JP.
12. Informacija o sanitarno-tehničkim i higijenskim uvjetima u školama na području općine Vareš i JPU „Dječije obdanište“ Vareš.
Izvjestilac: Velida Džafo
13. Tekuća pitanja.

Ad. 1.

(Prijedlog Odluke o bratimljenju općina Saray i Vareš)

Komisija za statutarna pitanja i propise na 6. sjednici održanoj 26.06.2025. godine jednoglasno je usvojila sljedeći Zaključak:

- Komisija za statutarna pitanja i propise nema primjedbi na Prijedlog Odluke o bratimljenju općina Saray i Vareš i isti upućuje Vijeću na razmatranje i usvajanje.

Ispred predlagača Rusmir Berberović dao je dodatno pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o bratimljenju općina Saray i Vareš.

Nakon izjašnjavanja vijećnika predsjedavajući OV konstatuje da je **sa 15 glasova „ZA“ i 3 „SUZDRŽANA“ glasa usvojena**

Odluka o bratimljenju općina Saray i Vareš.

Ad. 2.

(Prijedlog Odluke o dopuni Odluke o potvrđivanju rezultata izbora za članove Savjeta mjesne zajednice Duboštica)

Komisija za statutarna pitanja i propise na 6. sjednici održanoj 26.06.2025. godine jednoglasno je usvojila sljedeći Zaključak:

- Komisija za statutarna pitanja i propise nema primjedbi na Prijedlog Odluke o dopuni Odluke o potvrđivanju rezultata izbora za članove Savjeta mjesne zajednice Duboštica i isti upućuje Vijeću na razmatranje i usvajanje.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o dopuni Odluke o potvrđivanju rezultata izbora za članove Savjeta mjesne zajednice Duboštica.

Nakon izjašnjavanja vijećnika, predsjedavajući OV konstatuje da je sa **18 glasova „ZA“ usvojena**

***Odluka o dopuni Odluke o potvrđivanju rezultata
izbora za članove Savjeta mjesne zajednice Duboštica***

Ad. 3.

***(Prijedlog Zaključka o davanju saglasnosti na lokaciju
„Kota“ u svrhu izgradnje stočnog groblja)***

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Dario Dodik (*predložio je da se u zaključku navede da će se na stočno groblje isključivo odlagati animalni otpad sa područja općine Vareš*) i ispred izvjestioca Velida Džafo (*izvijestila je prisutne da će prilikom izrade prijedloga odluke biti preciznije definisane odredbe*).

Predsjedavajući OV stavio je na izjašnjavanje Prijedlog Zaključka o davanju saglasnosti na lokaciju „Kota“ u svrhu izgradnje stočnog groblja uz dopunu **tačke 2. koja glasi „Stočno groblje iz tačke 1. ovog Zaključka isključivo će se koristiti za odlaganje animalnog otpada sa prostora općine Vareš.“**

Nakon izjašnjavanja vijećnika, predsjedavajući OV konstatuje da je sa **18 glasova „ZA“ usvojen**

***Zaključak o davanju saglasnosti na lokaciju
„Kota“ u svrhu izgradnje stočnog groblja.***

Ad.4.

(Izveštaj o radu JU „Centar za kulturu i edukaciju“ Vareš za 2024. godinu)

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*uz pojašnjenje pohvalio rad ustanove*), Dario Dodik (*mišljenja je da sa trenutnim brojem uposlenika, ustanova bi morala imati više aktivnosti, uz obrazloženje postavio je pitanja: gdje rade ti uposlenici i da li je bilo novih zapošljavanja, također je mišljenja da su mali prihodi od prodaje ulaznica za Bobovac*), Semir Memić (*iznio je pozitivno mišljenje za rad ustanove sa mladima*), Zdravko Barkić (*mišljenja je da ustanova treba imati više aktivnosti jer 80% provedenih aktivnosti uglavnom su organizovala nevladina udruženja, podržava diskusiju vijećnika Dodik Daria*), Dodik Dario (*postavio je pitanje direktorici da li u Centru za kulturu i edukaciju ima prostora za rad Opće biblioteke, jer trenutno Općina plaća zakup prostora u kome je smještena Opća biblioteka?*), direktorica Šejla Kapetanović (*u svom obraćanju dala je odgovore na postavljena pitanja i dodatna pojašnjenja*), Dario Dodik (*replika*),

predsjedavajući OV Malik Rizvanović (*replika*), direktorica Šejla Kapetanović (*dala je pojašnjenje u vezi refundiranja sredstava za uposlenike koji su duži period na bolovanju*), Dario Dodik (*replika, moli da za idući Izvještaj u istom se navede za koje je projekte ustanova aplicirala i kakav je rezultat*), predsjedavajući OV Malik Rizvanović (*izjavio je da vijećnici mogu iznijeti mišljenje o radu odgovornih osoba, ali bez govora vrijeđanja*), Zdravko Barkić (*replika*) i direktorica Šejla Kapetanović (*dala je odgovor koje poslove uposlenici ustanove obavljaju*).

Zaključena je rasprava i predsjedavajući OV stavio je na izjašnjavanje Izvještaj o radu JU „Centar za kulturu i edukaciju“ Vareš za 2024. godinu.

Nakon izjašnjavanja vijećnika predsjedavajući OV konstatuje da je sa **12 glasova „ZA“**, **2 glasa „PROTIV“** i **4 „SUZDRŽANA“ glasa usvojen**

Izvještaj o radu JU „Centar za kulturu i edukaciju“ Vareš za 2024. godinu.

Ad.5.

(Izvještaj o radu JU „Centar za socijalni rad“ Vareš za 2024. godinu)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izvještaj o radu JU „Centar za socijalni rad“ Vareš.

Nakon izjašnjavanja vijećnika predsjedavajući OV konstatuje da je sa **18 glasova „ZA“ usvojen**

Izvještaj o radu JU „Centar za socijalni rad“ Vareš za 2024. godinu.

Ad.6.

***(Izvještaj o radu i poslovanju
JPU „Dječije obdanište“ Vareš za 2024. godinu)***

Direktorica Nikolina Erlbek u svom obraćanju izrazila je svoju ličnu zabrinutost kao i zabrinutost kolegica za daljnji rad ustanove, a sve zbog ekonomske situacije (kašnjenje plaća i neuplaćenih doprinosa). Također je izvijestila Vijeće da na nekoliko objavljenih konkursa nije bilo prijavljenih odgajatelja.

Otvorena je rasprava u kojoj su učestvovali vijećnici: Dario Dodik (*uz pojašnjenje izjavio je da je potrebno na neki način stimulirati potencijalne kandidate za rad u ustanovi*), Zdravko Barkić (*pohvalio je rad ustanove i iznio svoje mišljenje o problemima sa kojima se susreće ustanova*) i rukovodilac službe Rusmir Berberović (*iznio je svoje mišljenje o eventualnom rješavanju prostora javnih ustanova*).

Zaključena je rasprava i predsjedavajući OV stavio je na izjašnjavanje Izvještaj o radu i poslovanju JPU „Dječije obdanište“ Vareš za 2024. godinu.

Nakon izjašnjavanja vijećnika predsjedavajući OV konstatuje da je sa **18 glasova „ZA“ usvojen**

***Izvještaj o radu i poslovanju
JPU „Dječije obdanište“ Vareš za 2024. godinu.***

Ad.7.

(Izveštaj o radu JU „Opća biblioteka“ Vareš za 2024. godinu)

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o radu JU „Opća biblioteka“ Vareš.

Nakon izjašnjavanja vijećnika, predsjedavajući OV konstatuje da je sa **18 glasova „ZA“** usvojen

Izveštaj o radu JU „Opća biblioteka“ Vareš za 2024. godinu.

Predsjedavajući OV dao je pauzu u trajanju od 15 minuta.
Nastavljeno je sa radom sjednice.

Ad. 8.

***(Izveštaj o stanju zaštite od požara na području općine
Vareš sa akcentom na realizaciju Plana zaštite od požara)***

Izjestilac Ibrahim Spahić dao je dodatno pojašnjenje za ovu tačku dnevnog reda i uputio apel građanima na dodatnu pažnju prilikom paljenja vatre na izletištim.

Otvorena je rasprava u kojoj su učestvovali vijećnici: Dario Dodik (*uz pojašnjenje skrenuo je pažnju na broj zaposlenih u PVJ i poslove koje obavljaju u odnosu na PVJ Kiselj*), predsjedavajući OV Malik Rizvanović (*uz pojašnjenje, skrenuo je pažnju da je površina općine Vareš 392 km² a općine Kiselj 164 km²*), Zdravko Barkić (*ukazao je na problem koji se odnosi na hidrante u stambenim objektima u gradu*), pomoćnik načelnika Ibrahim Spahić (*u svom obraćanju izvijestio je prisutne da uređenje parkovskog drveća nije u opisu poslova vatrogasaca ali jeste uklanjanje drveća sa saobraćajnica, JP „Vareš-stan“ d.o.o. Vareš je dužno da obezbijedi hidrante u svim zgradama*), Zdravko Barkić (*mišljenja je da se Pravilnik u kome je definisan opis poslova vatrogasaca može mijenjati*) i pomoćnik načelnika Ibrahim Spahić (*dao je odgovor vijećniku Barkić Zdravku da je Pravilnik usklađen sa Zakonom o zaštiti od požara i vatrogastvu*).

Zaključena je rasprava i predsjedavajući OV stavio je na izjašnjavanje Izveštaj o stanju zaštite od požara na području općine Vareš sa akcentom na realizaciju Plana zaštite od požara.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 1 „SUZDRŽANIM“ glasom** (odsutna zamjenica predsjedavajućeg Irma Rožajac) usvojen

***Izveštaj o stanju zaštite od požara na području općine Vareš sa akcentom na realizaciju
Plana zaštite od požara.***

Ad. 9.
**(Informacija o provođenju lokalnog ekološkog
akcionog/akcijskog plana za općinu Vareš u 2024. godini)**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

**Informaciju o provođenju lokalnog ekološkog
akcionog/akcijskog plana za općinu Vareš u 2024. godini.**

Ad. 10.
(Informacija o realizaciji Ugovora o koncesijama za 2024. godinu)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Dario Dodik (*uz pojašnjenje, sugerisao da se ponovo zahtjeva od nadležnog Ministarstva da se uradi javni poziv i da se ponudi neka lokacija za otvaranje kamenoloma i pravljenje betonare*) i predsjedavajući OV Malik Rizvanović (*izvijestio je prisutne da je Kolegij OV na prošloj sjednici razmatrao navdenu problematiku i pošto nadležno Ministarstvo nije reagovalo na naše dopise u vezi oduzimanja koncesije BBM Amfibolit, Kolegij OV će na narednoj sjednici raspravljati na tu temu i donijeti određene zaključke*).

Zaključena je rasprava i predsjedavajući OV konstatuje da je **Vijeće primilo k znanju**

Informaciju o realizaciji Ugovora o koncesijama za 2024. godinu.

Ad. 11.
**(Informacija JP „ŠPD ZDK“ d.o.o. Zavidovići o zdravstvenom stanju šuma,
intenzitetu pošumljavanja, eksploataciji šuma, infrastrukturi,
vodozaštitnim zonama na području općine Vareš)**

Izvjestilac gosp. Kenan Zahirović dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*postavio je pitanje izvijestiocu „koliko novca od posjećene šume od Fonda za obnovu šuma ide za obnovu šuma na općini Vareš?“*, uz pojašnjenje skrenuo je pažnju na neblagovremeno uklanjanje oboljelih stabala), Zdravko Barkić (*traži pojašnjenje u vezi doznačene i posjećene količine stabala*) i Dario Dodik (*postavio pitanje „koliko JP ŠPD može uticati na kooperante da se prestane sa praksom nepropisne sječe i odvoza, blokiranja puteva isl.?“*).

Predstavnik JP „ŠPD ZDK“ Kenan Zahirović u svom obraćanju dao je odgovore na postavljena pitanja vijećnika u raspravi i određena pojašnjenja.

U daljnjoj raspravi su učestvovali vijećnici: Igor Hinger, Zdravko Barkić, predsjedavajući OV Malik Rizvanović, Denis Kovačević i Edin Ibršimović.

Zaključena je rasprava i predsjedavajući OV konstatuje da je **Vijeće primilo k znanju**

Informaciju JP „ŠPD ZDK“ d.o.o. Zavidovići o zdravstvenom stanju šuma, intenzitetu pošumljavanja, eksploataciji šuma, infrastrukturi, vodozaštitnim zonama na području općine Vareš.

Ad. 12.

(Informacija o sanitarno-tehničkim i higijenskim uvjetima u školama na području općine Vareš i JPU „Dječije obdanište“ Vareš)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

Informaciju o sanitarno-tehničkim i higijenskim uvjetima u školama na području općine Vareš i JPU „Dječije obdanište“ Vareš.

Predsjedavajući OV dao je pauzu u trajanju od 15 minuta zbog konsultacija Klubova. Nastavljeno je sa radom sjednice.

Ad.13.

(Tekuća pitanja)

1. Zahtjev za promjenu Projekta ceste Smreka Semizova Ponikva, broj: 23-06-25-1 od 23.06.2025. godine dostavljen od Udruženja građana sportskih ribolovaca „Vareš“ Vareš.

Predsjedavajući OV izvijestio je Vijeće da je Kolegij OV na pauzi razmatrao gore navedeni Zahtjev i na osnovu rasprave članova Kolegija OV predložio i stavio na izjašnjavanje sljedeći

Zaključak:

1. **Zadužuju se Općinski načelnik i nadležna općinska služba da sa predstavnicima Udruženja građana sportskih ribolovaca Vareš i predstavnicima kompanije Adriatic Metals BH d.o.o. održe sastanak na kojem će razmotriti navode iz Zahtjeva Udruženja građana sportskih ribolovaca Vareš, broj: 23-06-25-1 od 23.06. 2025. godine, te Općinskom vijeću Vareš do sljedeće sjednice dostave Zapisnik sa održanog sastanka.**
2. **Dok se ne usaglasе stavovi, Općinsko vijeće je protiv nastavka aktivnosti na izgradnji infrastrukture za odvodnju oborinskih voda.**
3. **Zahtjev iz tačke 1. čini sastavni dio ovog Zaključka.**
4. **Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je **sa 17 glasova „ZA“** (odsutna zamjenica predsjedavajućeg Irma Rožajac) **usvojen predloženi Zaključak.**

2. Zahtjev za asistenciju-pomoć u rješavanju vodosnabdijevanja u MZ Dabravine dostavljen 23.06.2025. godine od predsjednika MZ Dabravine.

Predsjedavajući OV izvijestio je Vijeće da je Kolegij OV na pauzi razmatrao gore navedeni Zahtjev i na osnovu rasprave članova Kolegija OV predložio i stavio na izjašnjavanje sljedeći

Zaključak:

1. Traži se od Službe za privredu, finansije i trezor i Službe za opću upravu, društvene djelatnosti i boračko-invalidsku zaštitu Općine Vareš da svaka u okviru svojih nadležnosti, Općinskom vijeću Vareš do sljedeće sjednice dostave **Mišljenje o postupku i načinu rješavanja vodosnabdijevanja u MZ Dabravine, a po Zahtjevu MZ Dabravine.**
2. **Zahtjev MZ Dabravine za pomoć u rješavanju vodosnabdijevanja u MZ Dabravine čini sastavni dio ovog Zaključka.**
3. **Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je **sa 17 glasova „ZA“** (odsutna zamjenica predsjedavajućeg Irma Rožajac) **usvojen predloženi Zaključak.**

3. Zahtjev za hitno razmatranje problema održavanja regionalne ceste R-444a, broj: 06-01- 1Z/25 od 09.06. 2025. godine dostavljen od Savjeta MZ Dragovići.

Predsjedavajući OV upoznao je prisutne da je Služba za prostorno uređenje Zahtjev MZ Dragovići dostavila Kantonalnoj direkciji za ceste 24.06. 2025. godine na očitovanje i daljnje postupanje.

Predsjedavajući OV upoznao je Vijeće da je Kolegij razmatrajući Zahtjev MZ Dragovići donio prijedlog Zaključka i sa istim je upoznao Vijeće. Vijećnik Zdenko Franjić predložio je da se u Zaključku navede i dionica puta „Tunel-Podkamensko“.

Predsjedavajući OV uz dopunu od vijećnika Zdenka Franjića, predložio je i stavio na izjašnjavanje sljedeći

Zaključak:

1. Traži se od Ministarstva za prostorno uređenje, promet i komunikacije i zaštitu okoline Zeničko-dobojskog kantona i Direkcije za ceste da razmotre navode iz **Zahtjeva MZ Dragovići broj: 06-01-1Z/25 od 09.06. 2025. godine, pristupe rješavanju problema navedenih u Zahtjevu i problema na dionici puta „Tunel-**

Podkaminsko“ R-444, te izvijeste Općinsko vijeće Vareš o poduzetim aktivnostima.

2. Sastavni dio ovog Zaključka je Zahtjev MZ Dragovići broj: 06-01-1Z/25 od 09.06. 2025. godine.

3. Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je **sa 17 glasova „ZA“** (odsutna zamjenica predsjedavajućeg Irma Rožajac) **usvojen predloženi Zaključak.**

4. Odgovor kompanije Adriatic Metals BH d.o.o. Vareš, broj: 1935/2025 od 09.06.2025. godine na Zaključak Općinskog vijeća Vareš broj: 01/1-161/25 od 02.06.2025. godine u vezi formiranja Radne grupe.

Predsjedavajući OV upoznao je Vijeće da je Kolegij razmatrao gore navedeni Odgovor i na osnovu rasprave po istom predložio je i stavio na izjašnjavanje sljedeći

Zaključak:

1. Traži se od kompanije Adriatic Metals BH d.o.o. da prilikom formiranja Novog odbora za odnose sa lokalnom zajednicom, pored predstavnika Općine Vareš obavezno u isti uključi i predstavnike svih mjesnih zajednica koje su u direktnoj ili indirektnoj vezi sa poslovanjem kompanije Adriatic Metals BH d.o.o.

2. Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je **sa 17 glasova „ZA“** (odsutna zamjenica predsjedavajućeg Irma Rožajac) **usvojen predloženi Zaključak.**

5. Inicijativa prema Općinskom vijeću Vareš za izmjenu Odluke o mjesnim zajednicama-smanjenje kvoruma za zbor građana u MZ Vareš dostavljena 23.06.2025. godine od Inicijativnog odbora sa Zbora građana MZ Vareš.

Predsjedavajući OV upoznao je Vijeće da je Kolegij razmatrao Inicijativu i da je po istoj usaglasio prijedlog zaključka.

Predsjedavajući OV upoznao je Vijeće sa prijedlogom Zaključka koji glasi:

1. Odbacuje se Inicijativa sa zbora građana MZ Vareš od 22.06. 2025. godine jer ne ispunjava uslove propisane članom 81. Statuta Općine Vareš – prečišćeni tekst, broj: 01-162/12 od 11.09. 2012. godine.

2. U postupku izmjena i dopuna Statuta Općine Vareš uzet će se u obzir prijedlozi izneseni u Inicijativi iz tačke 1. ovog Zaključka.

3. Inicijativa iz tačke 1. čini sastavni dio ovog Zaključka.

4. Zaključak stupa na snagu danom donošenja.

Otvorena je rasprava po predloženom Zaključku u kojoj su učestvovali i iznijeli svoja mišljenja i stavove vijećnici Dario Dodik i Asim Balta, predsjedavajući OV Malik Rizvanović, pomoćnik načelnika Rusmir Berberović i sekretar OV Mersad Đido.

Predsjedavajući OV na osnovu diskusije u raspravi i određenih pojašnjenja konstatovao je da će u procesu postupka izmjena i dopuna Statuta Općine Vareš biti uvršten prijedlog naveden u Inicijativi za izmjenu potrebnog kvoruma za održavanje Zbora građana radi izbora, koji će se odnositi na sve mjesne zajednice.

Nakon rasprave predsjedavajući OV stavio je na izjašnjavanje sljedeći

Zaključak:

- 1. Odbacuje se Inicijativa sa zbora građana MZ Vareš od 22.06. 2025. godine jer ne ispunjava uslove propisane članom 81. Statuta Općine Vareš – prečišćeni tekst, broj: 01-162/12 od 11.09. 2012. godine.**
- 2. U postupku izmjena i dopuna Statuta Općine Vareš uzet će se u obzir prijedlozi izneseni u Inicijativi iz tačke 1. ovog Zaključka.**
- 3. Inicijativa iz tačke 1. čini sastavni dio ovog Zaključka.**
- 4. Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je sa 17 glasova „ZA“ (odsutna zamjenica predsjedavajućeg Irma Rožajac) **usvojen predloženi Zaključak.**

Sjednica je završena u 17.27 sati.

Sastavni dio ovog Zapisnika je audio zapis 8. sjednice OV Vareš.

**SEKRETAR
OPĆINSKOG VIJEĆA**

Mersad Đido
Mersad Đido



ZAPISNIČAR

Azra Pijadžer
Azra Pijadžer

**PREDSEDavajući
OPĆINSKOG VIJEĆA**

Malik Rizvanović
Malik Rizvanović